



Bosna i Hercegovina

Federacija Bosne i Hercegovine

Agencija za kvalitet i akreditaciju u zdravstvu u FBiH

akaz

Agency for Healthcare Quality and Accreditation in FBiH

Postupak akreditacije:

Klinički centar Univerziteta u Sarajevu započeo postupak akreditacije

Agencija za kvalitet i akreditaciju u zdravstvu u Federaciji BiH (AKAZ) je na osnovu prethodno provedenih *edukacija* zdravstvenih radnika za unutrašnju kontrolu kvaliteta i provođenja postupka stručne pomoći uspostavila sistema sigurnosti i kvaliteta (*facilitacija*) prema AKAZ-ovim novim Standardima sigurnosti i kvaliteta za bolnice (ver. 2020), u februaru 2021. godine sa **Kliničkim centrom Univerziteta u Sarajevu** potpisala Ugovor o definiranju uslova akreditacijskog pregleda i sticanja akreditacijskog statusa KCUS, sa posebnim prioritetom na klinikama: Klinika za bolesti srca, krvnih žila i reumatizam, Klinika za bolesti uha, grla i nosa sa hirurgijom glave i vrata, Klinika za gastroenterohepatologiju, Klinika za hematologiju, Klinika za hemodijalizu, Klinika za kardiovaskularnu hirurgiju, Klinika za nefrologiju, Klinika za neurologiju, Klinika za nuklearnu medicinu i endokrinologiju, Klinika za očne bolesti, Klinika za onkologiju, Klinika za ortopediju i traumatologiju, Klinika za radiologiju, Klinika za torakalnu hirurgiju, Klinika za urologiju i Pedijatrijska klinika.

Nakon unutrašnje pripreme za vanjsku ocjenu, realizirati će se vanjski pregled od strane ovlaštenih ocjenjivača vanjske provjere kvaliteta Agencije i izdavanje certifikata o zadovoljenju standarda sigurnosti (certifikacija), ali i superiornijih standarda kvaliteta (akreditacija), kao dobrovoljnog i zahtjevnijeg seta standarda za koji se opredjelio KCUS.

Klinički centar Univerziteta u Sarajevu ima svoje početke u prvoj hospitalnoj zdravstvenoj ustanovi osnovanoj 1866. godine i predstavlja vodeću stručnu, edukativnu, nastavnu i naučno-istraživačku zdravstvenu ustanovu u Bosni i Hercegovini. Kao najveća zdravstvena ustanova u Federaciji BiH i Kantonu Sarajevo, KCUS predstavlja središnju tačku u zdravstvenoj zaštiti federalnog i međukantonalnog zdravstva čime je predstojeća akreditacija federalne Agencije za kvalitet u zdravstvu utoliko i značajnija.